



Inatsisartuni ilaasortaq Sara Olsvig

Urani pillugu apeqqut nr. 203-miittunut akissutit

Inatsisartut suleriaasianni § 37 naapertorlugu Naalakkersuisunut makkuningga apeqquteqarsimavutit:

- 1) *Immikkoortoq 106 - uranimik aamma aatsitassanik qinngornilinnik piiaasarnermik attueqqusinnngilluinnarnerup atorunnaarsinnissaannik Naalakkersuisut siunnersuutaat – ukioq manna oktoberip qulingani oqalisigineqarmat Naalakkersuisut siulittaasuata oqarpoq maannakkut Naalakkersuisuusunik Inuit Ataatigiit Demokratillu isornartorsiunerat sakkortunerpaamik utertitsiffigineqartariaqartoq ("Utimum sakkortunerpaamik utertiffigitittariaqarput akuersissummik piaanissaminnut akuersissummik tunniussileramik kisermaassisutut iliuseqarpat?") Naalakkersuisut siulittaasuata isumaa malillugu taakkua aatsitassarsiutileqatigiit uranimik piaanissamut akuersissummik 2012-imi tunereersimammattigit. Kalaallit Nunaanni uranimik piaanissamut akuersissutit qassit ullumikkut tunniunneqarnikuuppat?*

Akissut:

Immikkoortup 106-ip siullermeernerata aammalu qulaani nalunaakkatut issuaanerup nalaani oqallinnermut atatillugu Siulittaasup oqaatigisaanut tunngatillugu Siulittaasup oqaaseq "piaanissaminnut" aallartillugu maanaannaq tikillugu unippoq, oqaaseqaatip erseqqissuunnginnera pissutigalugu. Oqallinnerup sinnerata nalaani Siulittaasup ilisimatitsissutigaa ujaasinissamut akuersissuteqartoqarsimasoq. Akuersissut pineqartoq pillugu ilanngussatut nassuiaat aamma innersuussutigineqarpoq.

Uranimik imaluunniit pinngoqqaatinik radiop qinngornilinnik allanik atuinissamut Kalaallit Nunaanni akuersissummik nalunaaruteqartoqarsimanngilaq.

- 2) *Naalakkersuisut uppersarsinnaavaat Kuannersuarni annertusisamik misissuineranut aatsitassarsiutileqatigiiffimmu GME-mut 2012-imi akuersissut immikkut tunniunneqartoq erseqqissummik aalajangersagaqarmat immikkut ittummik akuersissummik tunisineq uranimik piaanissamut akuersissummik tunisinerunngimmat, aammalu Naalakkersuisut uppersarsinnaavaat annertusisamik misissuineranut immikkut ittummik akuersissummik tunisineq akuersaannngilluinnarnissamik politikkeqarnerup atorunnaarsinneqarneranik isumaqanngitsoq – aappi naaggaluunniit?*

Akissut:

25. oktober 2013

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isi-
in@nanoq.gl
www.nanoq.gl

Greenland Minerals & Energy A/S-imut ujaasinissamut akuersissut 2010/02-mut tapi-liut imatut oqaasertalik Naalakkersuisut 3. april 2012-imi akuersissutigaat:

"Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-meersumi (aatsitassanut inatsimmi) §§ 16 aamma 29 naapertorlugit Kalaallit Nunaata Kitaata Kujataani Kuannersuit eqqaanni sumiif-fimmut ujaasinissamut akuersissut nr. 2010/02-mut (akuersissummut) allannguut tul-linnguuttoq Naalakkersuisut nalunaarutigaat:

101. Akuersissummiippat nalinginnaasumik piumasaqaatini imm. 101-imi nalunaarsu-gaasutut atortussiassatut aatsitassat. Pineqartut akuersissummi allamik nalunaar-toqarsimangippat tassaapput atortussiassatut aatsitassat tamarmik, taakkunani pineqaratik kulbrintit, pinngoqqaatit radiop qinngornillit, aamma erngup nukissiornis-samut isumalluutit.

102. Ujaasinissamut akuersissummut matumunnga akuersissuteqarfittut piffissami akuersissummiippat aamma pinngoqqaatit radiop qinngornillit, taamaattorli imm. 201-202 innersuussutigineqarput.

201. Pisinnaatitaaffeqartoq pinngoqqaatinik radiop qinngornilinnik atuinissamik pisin-naatitaaffeqaranilu suliaqaqqusaanngilaq. Pisinnaatitaaffeqartoq aamma pinngoq-qaatinik radiop qinngornilinnik atuinissamut tunngasunik allanik pisinnaatitaaf-feqanngilaq.

202. Pisinnaatitaaffeqartoq pinngoqqaatinik radiop qinngornilinnik atuinissamut akuer-sissummik nalunaarutisinissaminut pisinnaatitaaffeqanngilaq. Naak pinngoqqaatinik radiop qinngornilinnik iluanaarutaasinnaasunik pisinnaatitaaffeqartoq takussutissil-lunilu sumiissusersisimagaluartoq, aammalu ujaasinissamut akuersissummi matumani piumasaqaatinik naapertuutsisimagaluartoq tamanna atuuppoq.

301. Nalinginnaasumik piumasaqaatini imm. 1401-1408 malillugit ujaasinissamut aku-ersissut manna tunngavigalugu atuinissamik akuersissutip nalunaarutiginissaa pillugu pisinnaatitaaffeqartoq qinnuteqassappat atuinissamut akuersissut naapertorlugu pinngoqqaatinik radiop qinngornilinnik atuinissamut akuersissutip nalunaarutiginissaa pillugu pisinnaatitaaffeqartoq aamma qinnuteqarsinnaavoq.

302. Imm. 301 malillugu pinngoqqaatinik radiop qinngornilinnik atuinissamut akuersis-summik nalunaarutisinissaaq pillugu pisinnaatitaaffeqartoq qinnuteqassappat qinnu-taammik kiffaangissuseqarlutik aamma arlaannaannilluunniit patsisissaqaratik imaluunniit patsisissanik sunilluunniit patsiseqarlutik Naalakkersuisut itigartitsisinnaa-pput. Qinnuteqaat ilaatigut pinngoqqaatinik radiop qinngornilinnik atuinissamut akuer-sissummik nalunaaruteqannginnissaaq pillugu politikikkut imaluunniit aqutsisoqarner-mut tunngasumik aalajangiussineq tunngavigalugu itigartitsivigineqarsinnaavoq. Namminersorlutik Oqartussanut, Naalakkersuisunut imaluunniit Aatsitassaqarnermut Pisortaqarfimmut qinnuteqaammik itigartitsineq pisussaaffinnik aamma akisussaaffin-

nik sunilluunniit, ilanngullugu taarsiisoqarnissamut akisussaaffimmik nassataqartitsinngilaq.

303. Imm. 301 malillugu pinngoqqaatinik radiop qinngornilinnik atuinissamut akuersissummik nalunaarutisinissaq pillugu pisinnaatitaaffeqartoq qinnuteqassappat pinngoqqaatit radiop qinngornillit atornissaannut akuersissutip nalunaarutiginissaanut pi-umasaqaatinik sunilluunniit kiffaanngissuseqarlutik arlaannaannillu killilersugaanngitsumik Naalakkersuisut aalajangersaasinnaapput. Ilaatigut atuinissamut suliassat, isumannaallisaaneq, peqqissuseq, avatangiiseq, isumalluutininik atuneq aamma inui-aqatigiinnut tunngasutigut piujuartitsineq pillugit, kiisalu Namminersorlutik Oqartussanut pisinnaatitaaffeqartup akiliutissanik akiliisarnissaa pillugu Naalakkersuisut pi-umasaqaatinik aalajangersaasinnaapput. Tamakkununga ilanngullugit akuersissummiittutut sumiiffiusup annertussusaanik tunngaveqarluni ukiumoortumik akitsuutip naatsorsorneqartup (nunaminertamut akitsuutip) akilernissaa pillugu, aatsitassat piarneqartut il.il. tunngavigalugit akitsuutip naatsorsorneqartup (tunisassionermut akitsuutip) akilernissaa pillugu, imaluunniit akuersissummi suliaqarfiusutut ilaasutut aningaasaqarnikkut iluanaarutip (iluanaarummut akitsuutip) ilaanik Namminersorlutik Oqartussanut akiliuteqarnissaq pillugu pi-umasaqaatinik Naalakkersuisut kiffaanngissuseqarlutik arlaannaannillu killilersugaanatik aalajangersaasinnaapput.

3034. Imm. 201-202-mit allat malitsigisat annertussuseqarfiannit imm. 301-3023 atuutinngillat. Pisinnaatitaaffeqartup pinngoqqaatinik radiop qinngornilinnik atuinissamut akuersissummik nalunaarutisinissamut pisinnaatitaaffeqarneranik imm. 301-3023 nassataqartitsinngillat.”


Atortussiassatut aatsitassanut ujaasinissamut akuersissutinut nalinginnaasumik pi-umasaqaatini 2013-imi juunimeersuni atuuttuni imm. 101 imatut oqaasertaligaavoq:

”§ 1. Atortussiassatut aatsitassat akuersissummi ilaasut

101. Aatsitassanut inatsimmi kapitali 3 malillugu akuersissummi allanik nalunaar-toqarsimanngippat akuersissummiippat atortussiassatut aatsitassanik tamanik ujaasi-neq, tassani pineqaratik kulbrintit, pinngoqqaatit radiop qinngornillit aamma erngup nukissiornissamut isumalluutit.”

Taamaalilluni pinngoqqaatinik radiop qinngornilinnik ujaasinissamut akuersissuteqar-nermigut pi-umasaqaatinit nalinginnaasunit atuuttunit ujaasinissamut akuersissut 2010/02-mut tapiliut 3. april 2012-imeersoq allaanerussuteqarpoq. Taamaalilluni man-na tikillugu akuersaanngilluinnarnissamut politikkiusumit sanioqqutitsineruvoq.

Inussiarnersumik inuulluutaqussillunga


Jens-Erik Kirkegaard

Ilannugsaq: Atugassarititaasunut nalinnaasunut september 2010-imeersunut
tapiliussamut nassuiaat



15. oktober 2013

Inatsisartut suleriaasianni § 37 naapertorlugu Naalackersuisunut makkuninnga apeqquteqassaanga:

- 1) **Immikkoortoq 106 - uranimik aamma aatsitassanik qinngornilinnik piiasarnermik attueqqusinnigilluinnarnerup atorunnaarsinnissaannik Naalackersuisut siunnersuutaat – ukioq manna oktoberip qulingani oqallisigineqarmat Naalackersuisut siulittaasuata oqarpoq maannakkut Naalackersuisuusunik Inuit Ataqatigiit Demokraatillu isornartorsiunerat sakkortunerpaamik utertitsiffigineqartariaqartoq (“Utimum sakkortunerpaamik utertiffigitittariaqarput akuersissummik piiaanissaminut akuersissummik tunniussileramik - kismaassitutut iliuuseqarpat?”) Naalackersuisut siulittaasuata isumaa malillugu taakkua aatsitassarsiutileqatigiit uranimik piiaanissamut akuersissummik 2012-imi tunereersimammattigit. Kalaallit Nunaanni uranimik piiaanissamut akuersissutit qassit ullumikkut tunniunneqarnikuuppat?**
- 2) **Naalackersuisut uppersarsinnaavaat Kuannersuarni annertusisamik misissuinermut aatsitassarsiutileqatigiiffimmu GME-mut 2012-imi akuersissut immikkut tunniunneqartoq erseqqissumik aalajangersagaqarmat immikkut ittumik akuersissummik tunisineq uranimik piiaanissamut akuersissummik tunisinerunngimmat, aammalu Naalackersuisut uppersarsinnaavaat annertusisamik misissuinermut immikkut ittumik akuersissummik tunisineq akuersaangilluinnarnissamik politikkeqarnerup atorunnaarsinneqarneranik isumaqanngitsoq – aappi naaggaluunniit?**

(Inatsisartunut ilaasortaq Sara Olsvig, Inuit Ataqatigiit)

Tungavilersuut

Inatsisartut sisamangormat oktoberip qulingani immikkoortoq 106 - uranimik aamma aatsitassanik qinngornilinnik piiasarnermik attueqqusinnigilluinnarnerup atorunnaarsinnissaannik Naalackersuisut siunnersuutaat – pillugu oqallinnermi Naalackersuisut siulittaasuata tunuarsimaanngilaq oqarluartaarutit anissallugit – ilaatigut Naalackersuisut siulittaasuata ataasiarani oqarpoq Kalaallit Nunaanni uranimik piiaanissamut Naalackersuisuusimasut akuersissummik tunniussaqaarsimasut. Tamanna pillugu Naalackersuisut aperisariaqalerput uranimik ilumut piiaanissamut akuersissutit taamaattut qassit maannakkut tunniunneqarsimanersut.

Apeqqutit piaarnerpaamik akillaqunarput, ajornanngippat immikkoortup 106-ip aappassaaneerpeqannginnerani.



23. oktober 2013

Immikkoortoq 709-711-mut tunngatillugu atugassarititaasussanut nalinginnaasunut september 2010-imeersunut tapiliussaqaq aamma sumiiffimmut Kalaallit Nunaata kujataani Kuannersuarni akuersissummut 2010/02-mut tapiliussaqaq nr. 1 pillugit nassuiaat.

Ingerlatseqatigiiffik Greenland Minerals & Energy A/S Kalaallit Nunaata kujataata kitaani Kuannersuarni kisermaassisussaataitaalluni misissuinissamut akuersissummut 2010/02-mut (siomatigut 2005/28) misissuinissamik sivitsuinissamik 21. april 2010 akuerineqarpoq. Misissuinissamut akuersissut 2005/28 atugassarititaasut nalinginnaasut taamanikkut atuuttut tunngavigalugit tunniunneqarpoq. Akuersissummi aatsitassat atugassarititaasuni nalinginnaasuni immikkoortoq 1-imi allassimasut pineqartunut ilaapput. Taamaalilluni akuersissummi pinngoqqaatit qinngornernik ulorianartunik akoqartut pineqartunut ilaatinneqangillat.

Greenland Minerals and Energy-p allakkani 9. august 2010-imeersuni ilisimatissutigaa, misissueqqissaarnermi uppernarsineqarsimasoq aatsitassat qaqutigooq tamalikaartunik peqarfiusumiittut misissorneqartut, paaanermut suliap ingerlanerani pinngoqqaatit qinngornernik ulorianartunik akoqartut ilaatinngit paaanersinnaassangitsut.

Taamaattumik Greenland Minerals and Energy-p peqarfimmut isumannaallisaanermut peqqinnissamullu apeqqutinut qularnaannerusumik ilisimasaniq pissarsiniamissamut akuerineqarnissaq kisaatigaa, ilanngullugit peqarfimmi pinngoqqaatit qinngornernik ulorianartunik akoqartut. Kingusinnerusukkut aatsitassanut ikummatissanullu inatsimmi aalajangersakkat maliillugit paaanissamut akuersissummik tunniussisinaanissamik qinnuteqaammut isummertoqartinnagu, avatangiisinut sunniutaasussanik nalilersuinerup (VVM) aamma inuiaqatigiinni piujuartussamik iluaqutaasumik sunniutaasussanik nalilersuinerup (VSB) suliarisinaanissannut qularnaannerusumik ilisimasanik peqarnissaq pisariaqarpoq.

Taamaattumik misissuinissamut akuersissutinut atugassarititaasunut nalinginnaasunut killissaliussat iluani misissuinerit suut akuerisaanersut killissaliussani erseqqinnerusumik erseqqissaanissaq pisariaqartinneqarpoq.

Apeqqutit tamanut atuuttut pineqarput, taamaallaat Kuannersuarni peqarfimmut tamalikaartunik akoqartumut attuumassuteqanngitsoq, kisiannili Kalaallit Nunaanni misissuinermit suliaassanik allanik ineriartortitsinermut atatillugu atuuttut, taakkunannga Motzfeldt SØ aamma Sarfartoq misissuinerit akuerisaasunut killissaliussanik erseqqinnerusumik erseqqissaasoqanngippat unitsinneqarsinnaallutik.

Tamanna tunngavigalugu Naalakkersuisut 9. september 2010 misissuinissamut akuersissutinut atugassarititaasunut nalinginnaasunut immikkoortunik nutaanik 709-711-nik ilassuteqarnissaq akueraat.

"709. Killissarititaasut immikkoortoq 101-mi taaneqartut iluanni tamakkiisumik pissarsiffulluarsinnaasunik misissuinerup, avatangiisinut sunniutaasinnaasunik kiisalu inuiaqatigiinnit namanneqarsinnaaneraniq nalilersuinerup, suliarineqarnissaa siunertaralugu, aatsitassat misissoqqissaarneqarnissaannut atugassamik atortussiassat nalinginnaasumik radiup qinggornerinik akullit misissorneqarnissaannut qinnuteqaatinut AIP akuersissuteqarsinnaavoq. Piiaraatsimi, avatangiisitigut kiisalu isumannaallisaanertigut peqqinnissakkullu sunniutaasinnaasut, pinngoqqaatinut radiup qinggornerinik akoqarsinnaasunut attuumassuteqartut misissuinerup nalunaarusiornerinilu taakkunanik immikkut pingaartinneqassapput. Piffissami pilersaarutaasumik misissuinissat pillugit qinnuteqaat nassuiaatitaqassaaq, tassa immikkoortoq 710-mi allassimasoq naapertorlugu.

710. Immikkoortoq 709-mi misissuinissamut taaneqartumut akuersissut tunniunneqarnerminut ukioq ataaseq atuutissaaq. Piginnittussaataasup qinnuteqarneratigut piffissaq ukioq ataasiakkaarlugu sivitsorneqartarsinnaavoq, tassa immikkoortoq 1010-1002 naapertorlugu nalunaarusiamik, immikkoortoq 709 naapertorlugu immikkut ittumik misissukkat nassuiarneqarnerannik imalimmik, AIP tigusaqarsimassappat, kiisalu akuersissuteqarnissamut piumasaqaati atuuttut allat malinneqarsimappata.

711. Immikkoortut 709-710 naapertorlugit akuersissut pinngoqqaatinik radiup qinggornerinik akullinnik misissuinissamut atuinissamullu akuerisaanerup nalunaarutigineqarnissaanut pisinnaatitsinngilaq.

Nalinginnaasumik maleruagassani aalajangersakkat nutaat ilanngunneqartut kingunerisaannik, pinngoqqaatit qinggornerinik ulorianartunik akoqartut qaffasippallaaraluartut, ingerlatseqatigiiffik VVM-imik misissuinerup ingerlatitseqqinnissamut qinnuteqaateqarsinnaalerpoq.

Misissuineruput pisussanut pilersaarummik aalajangersimasumik akuersissuteqarnissaq 709-711-imi aalajangersakkat nutaat malillugit aatsaat qinnuteqarnikkut pisinnaassapput, pissutsit peqqissutsimut aarlerinaateqarsinnaaneraniq naliliisinnanissamut attuumassuteqartut tamarmik ilanngunneqartussaallutik. Tassa imaappoq sumiiffimmi misissuiffiusussami qinggornerit annertussusaannik uuttortaanerit aammalu qinggornerit sunniinernut annerpaanut naliusunut killissaliussanut aalajangersakkanut akuerisaasunut naleqqiullugu suliniutinik pisinnaatitsissummik pigisaqartup peqqissutsimut aarlerinaataasunik akuerineqarsinnaasut annertussuseqalersillugit annikillisisiniarluni ingerlanniagaannik nalilersuineq. Akuersissuteqarneq piffissamut ukioq ataasiakkaarlugu tunniunneqartassaaq.

Ingerlatseqatigiiffiup akuersissummik pissarsiniareernermini 709 – 711-imi atugassarititaasunut nalinginnaasunut ilanngunneqartut nutaat malillugit misissuineq ingerlateqqippaa.

2011-imi oktobarimi Naalakkersuisut Siulittaasuata aamma Inuussutissarsiomermit Aatsitassanullu Naalakkersuisup misissuinerup ingerlanera pillugu ilisimatitsissuteqarniarlutik ingerlatseqatigiiffimmut Greenland Minerals and Energy A/S-imut pisortaaat ataatsimeeqatigaat.

Sumiiffimmi misissuineq peqarfiup 619 millioner tonsinik saffiugassartaqartup, aatsitassanik qaqtigoortunik 6.6 millioner tonsinik, uran-oxid-imik 350 millioner pundinik aamma zinkimik 1,3 millioner tonsinik akoqartup paasinarsinneqarneranik kinguneqarpoq. Ingerlatseqatigiiffiup tunisassiornermut akuersissummik tamatuma kingorna tunniussisoqassapat, ukiumut aatsitassanik qaqtigoortunik 43.000 tonsinik uran-oxid-imik tunisassiornermik ilaqartumik tunisassiornissaq naatsorsuutigaa.

Taamanikkut ilisimasat malillugit uranimik aamma thorium-imik akoqarnera 340 ppm-imik uranimik aamma 1.000 ppm missaani thorium-imik annertussuseqarpoq. Tassa imaappoq maannakkut akuersaangilluinnarnermi annertussusiusunit annertuumik annertunerullutik.

Greenland Minerals and Energy-p Naalakkersuisut Siulittaasuannik aamma Inuussutissarsiomermit Aatsitassanullu Naalakkersuisumik ataatsimeeqateqarnermi ilisimatitsissutigaa, ingerlatseqatigiiffik aatsitassat qaqtigoortut ilanngullugit peqarfiimmi misissuisinnaasoq erseqqinnersumik oqaatigineqanngippat, ingerlatseqatigiiffik misissuinermit immaqalu kingusinnerusukkat annertusaanermit ingerlatanik ingerlatitseqqinnissamut naammattunik aningaasalersuutissanik pissarsisinnaanngitsaq.

Misissuinermit suliap ingerlaneranit ingerlateqqinneqarsinnaanissaata qulakkeerneqarnissaa siunertaralugu ingerlatat ingerlateqqissinnaanissaannut, VVM-ip, peqqissutsimut misissuinerit, VSB-ip aamma imminut akilersinnaassutsimut misissuinerit inaarsarneqarnissaannut aningaasalersuutissanik pissarsiniarnissamik ajornarunnaarsitsisussamik, pisinnaatitsissutip oqaasertaannut tapiliussaqaarnissaq oqaluuserineqarpoq.

Tamanna tunngavigalugu Naalakkersuisut ingerlatseqatigiiffiup pisinnaatitsissutaata oqaasertaannut imaattumik tapiliussaqaarnissaq akuersissuteqarfigaat:

"Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-mærsumi (aatsitassanut ikummatissanullu inatsit) §§ 16 aamma 29 naapertorlugit matumuuna Naalakkersuisut, Kalaallit Nunaata kujataani Kuannersuit eqqaanni sumiiffimmut misissuinissamut akuersissut nr. 2010/02-mut (akuersissut) allannguutissat makkua nalunaarutigaa:

1. Aatsitassat akuersissummi pineqartunut ilaasut

101. Akuersissummi aatsitassat atugassarititaasuni nalinginnaasuni immikkoortoq 101-imi allassimasut pineqartunut ilaapput. Aatsitassat tamarmik pineqarput, akuersissummi allamik allassimasoqarsimanngippat ikummatissiassat, pinngoqqaatit qinngornernik ulorianartunik akullit aamma isumalluutit erngup nukinganeersut pineqarnatik.

102. Misissuinissamut akuersissummi matumani piffissami akuersissuteqarfiusumi, akuersissummut pinngoqqaatit qinngornernik ulorianartunik akullit aamma pineqartunut

ilaapput, taamaattorli takuuk immikkoortoq 201-202.

2. Pinngoqqaatinik qinngornernik ulorianartunik akulinnik pīaanissamut imaluunniit taakkununga pīaanissamut akuersissummik pissarsinissamik pisinnaatitaaffeqanngilaq

201. Pisinnaatitsissummik pigisaqartoq pinngoqqaatinik qinngornernik ulorianartunik akulinnik pīaanissamik pisinnaatitaaffeqanngilaq aammalu pīaaqqusaanani. Pisinnaatitsissummik pigisaqartoq aamma pinngoqqaatinik qinngornernik ulorianartunik akulinnik pīaanissamut tunngatillugu allanik pisinnaatitaaffeqanngilaq.

202. Pisinnaatitsissummik pigisaqartoq aamma pinngoqqaatinik qinngornernik ulorianartunik akulinnik pīaanissamut akuersissummik tunineqarnissamut pisinnaatitaaffeqanngilaq. Tamanna atuutissaaq pisinnaatitsissummik pigisaqartup pinngoqqaatinik qinngornernik ulorianartunik akulinnik niuerutigalugu pīarneqarsinnaasunik peqartoq paasinarsisissimagaluarpaguluunniit sumiissusersisimagaluarpagilluunniit aammalu allatigut atugassarititaasut misissuinissamut akuersissummi matumani allassimasut naammassisimagaluarpagilluunniit.

3. Pinngoqqaatinik qinngornernik ulorianartunik akulinnik pīaanissamut akuersissummik tunineqarnissamik qinnuteqarneq

301. Pisinnaatitsissummik pigisaqartoq misissuinissamut akuersissut manna tunngavigalugu pīaanissamut akuersissummik tunineqarnissaminik qinnuteqaruni, takuuk atugassarititaasuni nalinginnaasuni immikkoortut 1401-1408, pisinnaatitsissummik pigisaqartoq aamma pīaanissamut akuersissut malillugu pinngoqqaatinik qinngornernik ulorianartunik akulinnik pīaanissamut akuersissummik tunineqarnissamik qinnuteqarsinnaavoq.

302. Pisinnaatitsissummik pigisaqartoq pinngoqqaatinik qinngornernik ulorianartunik akulinnik pīaanissamut akuersissummik tunineqarnissamik qinnuteqarpat, takuuk immikkoortoq 301, Naalackersuisut qinnuteqaat nammīneerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikkikkut imaluunniit ingerlatsivimmi pinngoqqaatinik qinngornernik ulorianartunik akulinnik pīaanissamut akuersissummik tunniussisannginnissamik aalajangiineq tunngavigalugu itigartinneqarsinnaavoq. Qinnuteqaammik itigartitsineq pīsussaaffeqarnernik akisussaaffeqarnemillu malitseqassanngilaq, ilanngullugit Namminersortutik Oqartussanut, Naalackersuisunut imaluunniit Aatsitassanut Ikummatissanullu Pisortaqarfimmut taarsiinissamik akisussaaffiliisanani.

303. Pisinnaatitsissummik pigisaqartoq pinngoqqaatinik qinngornernik ulorianartunik akulinnik pīaanissamut akuersissummik tunineqarnissamik qinnuteqarpat, tak. Immikkoortoq 301, Naalackersuisut pinngoqqaatinik qinngornernik ulorianartunik akulinnik pīaanissamut atugassarititaasut suulluunniit namminneerlutik aammalu killilersuutitaqanngitsumik aalajangersarsinnaavaat. Naalackersuisut ilaatigut pīaanermi ingerlatanut, isumannaallisaanermut, peqqinnissamut, avatangiisinut, pīsussutitnik atorluaanermut aamma inuiaqatigiinni piujuartussamik iluaqutaasumik sunniutaasussanut atugassarititaasussanik kīsalu pisinnaatitsissummik pigisaqartoq

Kalaallit Nunaanni Namminersortutik Oqartussanut akiliuteqassanersoq aalajangersaasinnaapput. Naalakkersuisut tassunga ilanngullugu namminneerlutik aamma arlaatigulluunniit killilersuutitaqanngitsumik ukiumoortumik akitsuummik sumiiffiup akuersissummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiormut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersortutik Oqartussanut akiliuteqarnissamik (pissarsianit akitsuut) atugassarititaasussanik aalajangersaasinnaapput.

3034. Immikkoortuni 201-202-mi allamik aalajangersaasoqarsimanngippat immikkoortut 301-3023 atuutissanngillat. Immikkoortut 301-3023 pisinnaatitsissummik pigisaqartup pinngoqqaanik qinngornernik ulorianartunik akulinnik piaanissamut akuersissummik tunineqarnissaanik pisinnaatitaaffiliinngillat."

Tapiliussami ingerlatseqatigiiffik pinngoqqaatinik qinngornernik ulorianartunik akulinnik misissuinissamut pisinnaatitaalerpoq. Peqatigisaanik tapiliussami erseqqissarneqarpoq Naalakkersuisut piaanissamut akuersissummik tunniussiumanngissinnaatitaasut. Taamatut tunniussiumannginneq qanorluunniit tunngavilersuutitalimmik aalajangiunneqarsinnaavoq, ilanngullugit politikkikkut eqqarsaatigisassat. Ingerlatseqatigiiffiup tamatumunnga paasinnilluni nalunaarutigaa.

Tapiliussaqaq Naalakkersuisut atsiormerisigut 3. april 2012 atuutilerpoq..

Inussiarnersumik inuulluaqqusillunga



Jens-Erik Kirkegaard